



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1611. usque ad annum 1617

Fleury, Claude

August. Vind. [u.a.], 1777

VD18 90118898

§. 178. Induciæ inter Hispanos, & Sabaudos, ac demum pax conciliata.

[urn:nbn:de:hbz:466:1-67313](https://nbn-resolving.org/urn:nbn:de:hbz:466:1-67313)

& equi sat generosi reperti sunt: Ad hanc autem prædam accessit alia adhuc utilior faccorum nempe frumento refertorum quadraginta millia. Insuper Annonensis urbis cives San-Felicianorum calamitate consternati, quantumvis valido præsidio, & quadraginta belli tormentis muniti essent, ultro se Sabaudo permisere, quam urbem Emanuel muniri iussit, suumque exercitum in duo partitus est agmina, quorum unum ipsemet ducens, Borgensem Provinciam invadendam sibi sumpsit, alterum vero Filio suo Thomæ commisit, ut Alexandrinam arcem infestaret, ex qua tamen erumpentibus confertim Hispanis ventum ad manus est, accerrimo utriusque partis conflictu, ac tandem Hispanis cæsis, atque in fugam actis.

Sæc. XVII.
A. C. 1617.

§. CLXXVIII.

*Inducie inter Hispanos & Sabaudos,
ac demum pax conciliata.*

Cum Petrus Toletanus Mediolanensis
Gubernator tam per exploratores, quam crebras suorum clades plus nimo edoctus, compertum haberet, quod Sabaudus copiosum ex Galliis, Helvetia, Germania, aliisque locis exercitum contraxisset, rebusque prospere fluentibus, facile universam Mediola-

*Arthus. l. 22.
pag. 1522.
Daniel hist.
de Franc.
tom. 10.
Gramond.
Hist. Gall.
l. 2.*

Sæc. XVII. A. C. 1617. nensium ditionem victoriis suis emetiri
 possit, hinc impellente potissimum Gal-
 liarum Rege Petrus quadraginta die-
 rum inducias per Cardinalem Ludo-
 visium utriusque partis Internuntium
 pactus est: Firmatis hisce induciis
 postea pacis conditiones in Italia pro-
 ponebantur, in Hispaniis ratæ paulo-
 post habendæ, quarum hæc summa
 fuit. I. Anno Sæculi præsentis quinto-
 decimo latæ pacis leges Astenses per omnia,
 singulaque særtæ, teclæ deinceps conserva-
 rentur. II. Et Dux Allobrogum, primo
 quoque tempore, post hunc autem, & Rex
 Hispaniarum, castris & pugnis mutuis ab-
 sisterent. III. Exercitum ambo dimitte-
 rent. IV. Urbes, oppida, munitiones
 utrinque bello captæ (nec Vercellis, nec
 Insubricis ullis præsidiis, exceptis) itidem
 utrinque veteres ad Dominos redirent:
 quos inter & Mantuanus, ac Maseranus
 Duces, numerarentur. V. Montis deni-
 que Ferratensis lis principalis, sententiæ
 Cæsaris decretoriæ tota permetteretur: quo,
 cujus est in arbitrio Romanum omne terra-
 rum Imperii spatium, in ejusdem esse
 etiam Exarchatus unus.

Porro hæ conditiones utrinque fue-
 runt acceptatæ, Hispani tamen bello
 parta restituere tergiversabantur, &
 Sabaudus, quamvis magnam exerci-
 tus sui partem exauctorarit, electi ro-
 boris

boris tamen aliquot adhuc millia in sub-
 fidiis retinuit, donec ab Hispano pro-
 missis fidem per ipsam restitutionem
 constare cereret: cum vero firma pax,
 Venetis Ferdinando Archiduci nondum
 plene reconciliatis, haud sperari pos-
 set, hinc Lermæus Dux unacum
 Petro Gritio Oratore Veneto, & Mar-
 chione Cajetano Capuensi Pontificis
 in Hispania Nuntio, de dissensione
 inter Sabaudum, & Mantuanum Du-
 ces exorta, Philippum III. Hispaniæ
 Regem monebant, ut Astensem pacem
 Anno hujus sæculi decimo quinto fa-
 ctam, prout Pontifici & Galliarum Regi
 promississet, ratam haberet, proin Hi-
 spani urbes, & quæcunque alia post
 hanc pacem intercepta unacum capti-
 vis restituerent: quo factò fidem suam
 obstringerent, se Sabaudum eo indu-
 cturos, ut & ipse huic pacificationi ple-
 ne satisfaciat: Hæc autem pacta intra
 sex hebdomadas rata haberentur, nisi
 interea alia pacificatio cum Mediola-
 nensi Governatore inita fuisset, cui stan-
 dum foret. Postea Bethunius Comes
 Franciæ Regis Orator Tillinum delatus,
 Regis sui nomine Petro Toletano fidem
 dederat, quod Sabaudus cuncta juxta
 Astensem transactionem integra fide
 adimpleturus esset, quo factò Petrus
 quoque Hispani Regis nomine idem

Sæc. XVII.
 A. C. 1617.

Ss 4

polli-

Sæc. XVII. pollicitus, compositis etiam aliis inter
 A. C. 1617. Venetos & Ferdinandum diffidiis, die
 sexta Novembris pacem promulgabat, suasque copias in Mediolanensem ditionem reducebat. Ceterum hæc pax nonnisi sequenti anno suam nacta est firmitatem, postquam Petrus Gallorum minis territus, ad fœdus, Vercellasque reddendas compulsus fuerat.

§. CLXXIX.

Protestantes in Bohemia sectæ suæ libertatem a Cæsare postulantes.

Rel. Hist.
Cont. Sigism. Meurer Merc. Gallob. tom. II. l. 4.
Carafa com. Germ. Sacrest. p. 54.
Jäger Hist. Eccl. l. 7. cap. 3.

Sub idem ferme tempus Protestantes Bohemiæ Status conventum agebant, in quo liberum sectæ suæ exercitium sibi permitti, a Cæsare petebant: attamen Matthias Imperator haud ignarus, quod Protestantium consilia nonnisi ad deprimendam Cæsaris auctoritatem, atque extirpandos Catholicos collimarent, huncque in finem Principes, qui se *Correspondentes* dicebant, arctum cum Hollandis fœdus iniissent, hinc Cæsar ipsis ad sua postulata paucis hæc respondit: „Nihil vobis in Religionis negotio indulgere, nec noviquicquam, salva conscientia permittere possumus; speramus autem, Ordines nihil novi petituros, sed pactis conventis veteribus, longo jam usu
 „&